

Transkription von Urkunde ZET 1496d

Ort, Datierung: Zerbst, 1496-10-17

Signatur: Stadtarchiv Zerbst, III, Kopialbuch, Nr. 87

Inhalt: Rat der Stadt Zerbst: Rentenverkauf

Wier Borgermeister(e) Rathmann(e) vnd(e) burg(er) Gemeyne der Stadt / Czerwisth Bekennen
Jndiessze(m) vnnszen apenne(n) briue vor vnsz vnd(e) alle(n) / vnnszenn(e) nachkomlinge(n) vor allen
den die diesszenn vnnszen briff / Sehen adder horenn leszenn Dat wie mit ey(n)drehtlickenn
Riepe(n) / Rade wille vnd(e) fulborth vnnszer aller vdt vnde vann vnnszer / bereidistenn Renten
tinszen Sc[h]oten vnde vppboringe vnd(e) to felle(n) / dem(e) Erszamen Czander brune Anen seyn(er)
Elicke(n) hvsfrowenn / vnde noch erer twier dode Jacob Czander syeme sone Die wielle / orer ey(n)er
adder sie beyde adder al drey leue(n) xij Rinissche guld(en) / adder so velh werdiger mu(n)the to
Eyne(m) rechten lieffkope vorkofft / hebbenn vnde vorkopenn Jn vnde met Crafft diesszes briues / vor
ande(r)halffhundert Rinissche guld(en) hofft sum(m)a die vnsz die gna(n)te / Czander bruhen Jn
Eyner Sum(m)a wol to danke vornüget vnd(e) / bethalet vnd(e) wie die forder Jn vnszer Stadt nütth Ere
vnd(e) beste / wu des noyt was wittlickenn gekeret vnde gewent hebbenn / welke xij R(inissche)
guld(en) Jêrlicken(n) liffrente Reden vnd(e) laue(n) wie vor/gna(n)te(n) Borgermester R(athmanne)
vnd(e) borger Gemeyne all Jar(e) Jêrlickenn / vpp michahelis dem gnan(n)te(n) Czander brune
Anen(n) seyn(er) Elicke(n) / huszfr(uwen) vnd(e) na erer twier dode Jacob syn Szone Jn vnnszer Stadt
/ Czerwist guttlicken wol to danke to Reykenn to geue(n) vnd(e) to / betalenn aller gerichte vmbe
kum(m)ert ock aller herenn gebott / vnuorbadenn(e) vnd(e) wannehr diessze gnanten Czander brune /
Ane syne Elicke husfrowen noch oren twier dode Jacob Czander / alle drie Jngot vorstorue(n) vnd(e)
vorscheid(en) seyn dat got thüm beste(n) / wende vnde kere Dann(e) vnd(e) nicht ehr Scollenn
sodann(e) xij / R(inissche) guld(en) liffrente vnde ij^c r(inische) gulde(n) hofftsum(m)a vnsz vnd(e)
vnnsenn / nakomlinge(n) gantz Endich queyt leddich vnd(e) losz vnd(e) dissze brieff / machtlosz seyn
vnd(e) bliue(n) Des to Orkunde hebbenn wie vor/gedachtenn Borgermeister R(athmanne) vnd(e)
burger Gemeyne vnszer Stadt / grote Jngesegell vor vnsz vnde all vnnsze nakomlinge vnden(n) / an
disszenn vnnszenn brieff wittlicke(n) hange(n) latenn Den Geg(euen) / vnd(e) Nha (cristi) vnnszes
heren gebort virteinhundert Dar nha / Jm sesz vnd(e) negentigistenn Jhar mondag(es) nha Gallj